

ادبیات عمومی و مجریه

هفته‌لق سیاسی، ادبی و علمی غزته‌در.

جلد : ۱

سنه : ۱ ۱۹ ربیع الاول ۱۳۳۵ جمعه ایرتسی ۳۱ کانون اول ۱۳۳۲ نومرو ۱۱

نورعینم افندم حامدم نخبینه ۲۱ کانون اول سنه ۱۹۱۶

بورایه کله‌لی سکا نیچون مکتوب یازمدم . نیچون یازمدم . بیلیمورم . غالباً کندیمی شمدی بیلیمکه باشلادیغمدن دولایی ! برمدتدنبری بوراده سنکه برابرم . اشتغال، توغلم سنکه ! «فینتن» بوراده ، مطالعه ایتدم ، حالا او قویورم ، او قومقلا بیتمز بر کتاب ! کتابه کائنات کی . کتابک سامی ، هوای نسیمی ، بهاری ، شتایی ، قصوری ، نقصانی وار ! کتابه طبیعت کی . فکری صومدیغ بو کتابکه داثر هرکس کی بنده بر ایکی کله سویلیه حکم .

اثریکک تیاتروییه نسبتی پک آز . لوندریه عائدیتی ده پک جوق دکل . کزیده شاعر شیخ غالبک باشلارکن یری کوکی بربرینه قاتان حسن وعشق مقدمه قیامت نمونک بردوام متکاملی ، ویاخود سراسر ونهایت درجه لیزیک بو کتاب نفی نک بر بیوک قصیده سندر ، دهانک بر نظریه سی . Berne سفارته کلان غزته لرك ایچنده او قویوب تکمیلنه وقت بوله مندیغم جناب شهاب الدین بکک مطالعه سیده ندیمک - قلبک تشریح طی احراری مستثنا - دلربا بر غزلی ! اوزرنده قیامت لر قوپان بر دکزک دالغه لری فینتنی داوالاجیرونک بولندیغی واپورک کوکرتنه سنه آتیور . امواج پیانی رسی حادثات اره سنده مجرای امله بو قدر موافق و مصادف بو دالغه غالباً آغوش عاشقانه دن ده آ زخشین ایش که واپورک اوزرینه براقیر براقز داوالاجیروییه دوغری قوشه رق «ایشی» صوریور . معلومیا . اوسترایلاده کی قوجه سنی اولدیرمک ایشی . فینتنی بو دریای بی انتهای متموجک ایچندن ایصالیمه رق چیقمش ظن ایدیوردم . صیرصیقلام دیورسک . اوله من . کیجه لری قعرندن نبعان ایدهرک دکزلرده کزن خیال ، ویا سماندن ییلدیزلریله اینهرک دکزه کیرن لیل ایصالیمز .

شکسیر ، و یقتور هوغو ، سن تیاترو پیه سلریک زده بر قنبور ، برجوجه ، نواقص و یازواند خلقت ، منکسر و منقرض جسملر ایچنده فریاد ایدر روحلر تصویر ایدیورسکن . فقط اونلرک کده عدم موفقیت خلقت اولان بو مستثنالر آز . سنک کنده جوق ، آهنگ عمومی طبیعتی ، وصحت طبیعی خلقتی اخلاص ایدن بو مستثنالرک کثرتی جهتیله ، اثریکک بعض یرلری تیاترولقدن چیقارق .

بر منظومه نفیسه

طویوب بر نغمه ماتم مؤثر روزگارندن
اولور مستغرق فکرت کچن آدم جوارندن .

تک و تنها حزن بر کلبه هجرای شعر انگیز
نمایان بر طاغک وحشی کنار سنکزارندن ،

کورونمز روزن و باینده هیچ پیر وجوان بر فرد
کهی فریاد ایدر بر قوش ییقلمش بر جدارندن .

مکدر صارماشققلره دیکنلکلر میاننده
نشان ویرمکده بر قاچ کل کذار ایتش بهارندن .

یمیندن آقار بر جویبار کهکشان رفتار
بروج اشکال اولان طاغلر سه ظل افشان یسارندن .

قیامت خیز اولور پیشنده بر دریای جوشا جوش
کریزان مرغ وماهیلر میانندن کنارندن ؛

معلا طالغله حدتله سنکستانه چاریارکن
جبال ایکلردی هپ عکس غریو اشکبارندن .

ضیای شمس غاربی نه در بر آتش پر حزن
شهیدانک دینور بر نور عاکسدر مزارندن .

باقارکن خوف و حیرتله کلیردی قلبه رقت
او تنها موقعک علویت دهشت مدارندن .

اولوردی ظاهر و غائب نیجه الواح حزن افزا
سحاب تیز رفتارک ظلال بی قرارندن .

طوروب بعضاً تضرعلر ایدردم بن غریبانه
زمین و آسمانک خالق پرور دکارندن .

بو محزون کلبه بی دارالسرور ایت دیردم ای ریم
چو جقلر والدینیه کورنسون رهگذارندن !

عبدالحی مهرالسا